



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**22 Ogos 2023
05 Safar 1445H**

SENARAI AKHBAR	TAJUK
Utusan Malaysia	•
Berita Harian	• Takaful pertanian bantu perkukuh keterjaminan makanan
Harian Metro	• 'Dapat sikit pun kena isytihar'
Kosmo !	•
Sinar Harian	•
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malaysiakini	•
Bernama	•
Borneo Post (KK)	•
Guan Ming Daily	•
Sabah Media	•

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	✓ SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF ✓		NEGATIF	NEUTRAL	11	22.8.2023

Takaful pertanian bantu perkukuh keterjaminan makanan

BH MS 11

Oleh Dr Syahnaz Sulaiman
bhrencana@bh.com.my



Timbalan Pengarah Pusat Wakaf & Zakat (PWZ), Universiti Islam Malaysia (USIM)

Pertanian sudah tentu menjadi sektor amat penting diberikan perhatian kerajaan sejak merdeka hingga kini dalam menjamin kecukupan bekalan makanan terutama padi dan beras, bahkan turut diletakkan sebagai fokus utama Ekonomi MADANI, iaitu ciri kelapan dalam menaikkan siling ekonomi negara.

Tahun ini sektor pertanian menyumbang 1 peratus kepada Keluaran Dalam Negara Kasar (KDNK) bernilai RM24.7 juta pada suku pertama dengan dipacu sektor kelapa sawit berikutan peningkatan harga sawit dunia.

Bagaimanapun, perlu diingat sumbangan sektor pertanian terhadap KDNK penurunan ketara berbanding 2020 dengan sumbangan 7.4 peratus, manakala sumbangan agromakanan adalah 3.6 peratus dengan sasaran peningkatan pada 3.8 peratus tahun ini.

Hakikatnya, sektor agromakanan negara termasuk padi dan beras sering berdepan pelbagai risiko, terutama ancaman perubahan iklim dunia. Hujan lebat dan banjir juga menjadi cabaran utama petani, selain kemarau, serangan penyakit serta serangga perosak.

Pada akhir tahun lalu, lebih RM90 juta kerugian direkodkan bagi sektor agromakanan negara merangkumi pertanian, perikanan dan penternakan akibat banjir luar jangka.

Pelbagai inisiatif termasuk suntikan subsidi tinggi kerajaan diberi untuk meningkatkan pengeluaran padi dan beras, namun hasilnya kurang memberangsangkan. Malaysia menduduki tangga keempat berbanding pengeluaran beras di Asia Tenggara seperti Vietnam, Filipina dan Indonesia.

Berbanding negara di rantau ini, Malaysia agak ketinggalan kerana tiada insurans atau takaful bagi mengurangkan beban risiko kerugian berkaitan pertanian. Kerajaan juga terpaksa menanggung kos lebih RM80 juta untuk memberi bantuan serta dana kepada petani padi apabila sawah menghadapi bencana alam dan penyakit.

Wujudkan model takaful pertanian

Sehingga kini belum ada satu model insurans atau takaful pertanian di negara ini. Sebagai peneraju sistem kewangan Islam global, sektor pertanian wajar menjadi antara tujuh industri kewangan Islam, terutama takaful dalam menyediakan pelan takaful pertanian pertama selaras maqasid syariah.

Takaful adalah konsep saling bekerjasama dalam memberi jaminan perlindungan terhadap sebarang kemudaratan dalam masyarakat, manakala taawun bermaksud saling membantu sebagai sebahagian refleksi konsep takaful itu sendiri.

Hingga kini, industri takaful berperanan penting



dalam menyediakan perlindungan patuh syariah kepada peserta daripada pelbagai bentuk malapetaka dan kerugian sama ada terhadap harta benda seperti kenderaan dan rumah atau perlindungan kemalangan diri serta kesihatan.

Bagaimanapun, risiko berkaitan pertanian belum dilindungi mana-mana skim insurans atau takaful. Bagi menyahtu cabaran ini, pengenalan pelan takaful pertanian berdaya tahan dan mampan menjadi keperluan mendesak bagi mendepani cabaran perubahan iklim serta melindungi pendapatan petani.

Inovasi model takaful taawuni agro diintegrasikan dengan instrumen pendanaan sosial Islam seperti zakat, wakaf dan infak wajar diteroka. Sinergi ini secara tidak langsung berupaya mengurangkan kebergantungan suntikan dana kerajaan dalam sektor pertanian.

Ini bertepatan Teras 2 Pelan Induk Sektor Kewangan 2022-2026, Bank Negara bagi meningkatkan kesejahteraan isi rumah, terutama pesawah ke arah membina daya tahan kewangan inklusif, selain mengeluarkan mereka daripada kancas kemiskinan akibat peningkatan kos sara hidup.

Model ini amat relevan dan bertepatan gagasan Ekonomi MADANI diumumkan Perdana Menteri baru-baru ini ke arah memperkasa pendapatan rakyat terutama pesawah dan meningkatkan keterjaminan makanan negara.

Antara langkah proaktif digariskan menerusi kerangka Ekonomi MADANI bagi meningkatkan keterjaminan makanan adalah penggunaan teknologi agro bagi menambah baik produktiviti, pewujudan perjanjian perdagangan bebas bersifat menang-menang serta mengoptimalkan penggunaan tanah terbiar. Justeru, Malaysia berpotensi memposisikan kedudukan agar lebih kompetitif sebagai pengeluar makanan dunia dan pertanian sebagai antara jentera pertumbuhan ekonomi negara.

UTUSAN MALAYSIA		KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO	✓	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		12	22/8/2023

'Dapat sikit pun kena isytihar'

Nelayan pantai guna lesen perlu umum hasil mereka untuk layak terima bantuan subsidi diesel

Oleh Nazdy Harun
am@hmetro.com.my

Kuala Terengganu

Nelayan yang menggunakan lesen khas nelayan pantai perlu mengikut syarat ditetapkan bagi membolehkan mereka menikmati bantuan kerajaan termasuk subsidi diesel, kata Pengarah Lembaga Kemajuan Ikan Malaysia (LKIM) Terengganu, Rosli Mustapha.

Katanya, ia bagi memastikan bantuan tersedia disalurkan dengan lancar selain mengelak ketirisan.

Menurutnya, golongan ini menggunakan lesen khas nelayan pantai, jadi untuk membuang perkataan 'khas' bagi membolehkan mereka mendapat lesen nelayan pantai golongan ini perlu mengikut garis panduan ditetapkan.

"Mereka perlu umum hasil tangkapan di pusat pengisytiharan hasil tangkapan di kawasan masing-masing.

"Walaupun dapat hasil sedikit misalnya satu atau dua kilogram sahaja, mereka perlu buat pengisytiharan kerana itu syarat utama.

"Pada masa sama, kami



NELAYAN pantai Kampung Nail berehat di bangsal dekat jeti.

(LKIM) tidak letakkan syarat jumlah tangkapan tertentu baru boleh buat pengisytiharan tangkapan, yang penting isytihar sahaja jumlah tangkapan," katanya. Semalam Harian Metro melaporkan keluhan golongan nelayan pantai khas terutama di Kampung Nail, di sini, tidak memperoleh diesel subsidi dan elaun sara diri. Keadaan itu menyebabkan

mereka ibarat kais pagi makan pagi, kais petang makan petang.

Rosli berkata, nelayan pantai khas ibarat percubaan, sekiranya mereka memenuhi semua syarat ditetapkan baru layak beralih kepada lesen nelayan pantai biasa.

"Syaratnya, perlu keluar ke



JETI Kampung Nail yang menempatkan bot gentian kaca milik nelayan.

laut dalam tempoh 120 hari dan mengisytiharkan hasil diperolehi kerana data yang kita (LKIM) peroleh itu digunakan Jabatan Perikanan untuk memperbaharui lesen nelayan khas ini.

"Jadi, kita harap nelayan berkenaan mengikut prosedur ditetapkan ke-

rana bertujuan mengelak ketirisan dan penipuan, contohnya ada individu yang memberi alasan ke laut untuk mendapatkan diesel bersubsidi, namun sebenarnya tidak berbuat demikian," katanya.

Katanya, jika nelayan pantai khas ini mendakwa memperoleh hasil tidak seberapa apabila turun ke laut, mereka perlu memikirkan pendekatan lain un-

tuk diambil.

"Sama ada memilih melakukan kerja lain buat sementara waktu atau meneruskan pekerjaan hakiki namun berusaha mendapatkan hasil seperti dinyatakan.

"Kita di LKIM, sentiasa terbuka membantu nelayan setempat, jika mendapat aduan kita turun kelapangan untuk membuat siasatan bagi mengenal pasti puncanya," katanya.

Nelayan perlu keluar ke laut dalam tempoh 120 hari, isytihar hasil untuk perbaharui lesen